



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

VIII. Methodus traditur, ac conditiones proponuntur in prædictarum
indulgentiarum lucro necessario observandæ.

[urn:nbn:de:hbz:466:1-64293](https://nbn-resolving.org/urn:nbn:de:hbz:466:1-64293)

tes Carme-
litas, Fra-
tres B.
MARIÆ
semper
Virginis

11. NICOLAUS V. omnes indulgentias & peccatorum remissiones, ac omnia Privilegia dicto Ordini concessa à supradictis Romanis Pontificibus Prædecessoribus suis, in præfatis diebus, & festis, motu proprio duplicando confirmavit, atq; annos septem, & totidem quadragenas in Domino relaxavit.

12. SIXTUS IV. omnes indulgentias Ordini prædicto, illius domibus, Ecclesijs, ac personis utriusq; sexus in genere, vel in specie quomodolibet concessas, in suo robore, in suaq; firmitate confirmavit, approbavit, & de novo concessit; & in Conceptionis, Nativitatis, Præsentationis, Annuntiationis, Visitationis, Purificationis & Assumptionis B. DEI Genitricis MARIÆ Festivitatibus, & per septem dies sequentes, & in diebus vocabulorum Ecclesiarum, visitantibus Ecclesijs, triginta annos, & totidem quadragenas de injunctis pœnitentijs misericorditer in Domino relaxavit.

13. Tandem CLEMENS VII. visitantibus prædictas Ecclesias, indulgentias stationum Ecclesiarum almæ Urbis, tam intus quàm foris, temporibus quibus eadem indictæ sunt, indulgit & concessit. Quas etiam PIUS V. approbavit, & confirmavit.

Supradictus verò GREGORIUS XIII. voluit & decrevit, ut exemplis supradictarum indulgentiarum, etiam impressis, manu publici Notarij subscriptis, ac dicti Ordinis Generalis Magistri, vel Ordinis Sigillo obsignatis, eadem prorsus fides adhibeatur, quæ Originali ipsi adhiberetur. Et summus Pontifex PAULUS V. permisit, post supradictam indulgentiarum revocationem, ut omnes modo dictæ indulgentiæ possint publicari: uti testatur præter aliorum P. Cyprianus à S. MARIA in suo *Thesauro Carmelit.* 1. part. cap. 22.

CAPUT VIII.

Methodus traditur, ac conditiones proponuntur in prædictarum Indulgentiarum lucro necessariò observande.



T tradamus modum, quo Fideles suprâ memoratas indulgentias assequi valeant, diligenter animadvertendum est, quòd aliqua ex illis, ut videre est in Bulla SIXTI IV. Dum attentâ meditatione pensamus. sub dat. Romæ anno

254.

Xy 2

1477.

1477. Kalend. Aprilis, in qua *motu proprio*, & ex certa scientia confirmat indulgentias à suis Prædecessoribus nostro Ordini, & illius Dominibus, Ecclesijs, & personis quomodolibet concessas, ac innovat ut habetur etiam in relato *Summario*, quæ concessæ fuerunt à diversis summis Pontificibus, cum clausula (ut tunc moris erat) *porrigere manus adjutrices, & largiendi elemosynas nostris Fratribus, Monialibus, Ecclesijs, & Domibus.* Attamen quia PIUS V. in Constitutione, *Essi Domini gregis.* 6. Idus Febr. 1567. revocaverat omnes indulgentias, quibusvis ante concessas cum dicta clausula, GREGORIUS XIII. in supradicta Bulla, *Vt laudes*, in speciali indulgentias concessas porrigentibus manus adjutrices nostris Fratribus, Monialibusque, & nostris Ecclesijs in pristinum, & in eum, in quo erant ante dictam revocationem, statum restituit, & revalidavit, demptâ clausulâ *porrigere elemosynas*, quas in alia opera pia commutavit.

255.

Quænam in visitatione nostrarum Ecclesiarum faciendæ sint, ut supra recensitæ obtineantur indulgentiæ?

HIS positis dico: quòd Fideles, ut colligi potest ex citata Bulla, *Vt laudes* quo valeant lucrari indulgentias, de quibus in præcedenti *Summario*, debent *primò* visitando aliquam nostram Ecclesiam esse contriti, & confessi. *secundò*, vel septies Orationem Dominicam & Salutationem Angelicam, vel Vesperas pro Defunctis recitare, ut ante sanctiss. D. N. Corpus terram osculari: aut, si fuerint Contrites, habitum nostri Ordinis gestare. *Tertiò*, debent pias ad DEUM effundere preces pro hæresum extirpatione, sanctæ Matris Ecclesie tranquillitate, & Principum Christianorum pace & unione. *Quartò*, omnia alia peragere, si quæ in litteris Pontificum, qui illas concesserunt præscripta reperiantur. Et profectò si recurramus ad citatam Bullam, *Dum attendâ meditatione.* Sixti IV. ex qua desumptæ fuerunt omnes indulgentiæ, quas refert & confirmat GREGORIUS XIII. concessas ab ipso SIXTO IV. & à Pontificibus ejus prædecessoribus inveniemus in illis nullum aliud pium opus injunctum, quàm contritos, pœnitentes, & confessos nostras Ecclesias visitare, vel nostris Ecclesijs manus adjutrices porrigere, quas GREGORIUS XIII. in supradicta opera pia commutavit.

Quid in lucro harum indulgentiarum præstandum?

Cum autem inter alia opera pia, in quæ GREGORIUS XIII. manus adjutrices commutavit, sit delatio nostri SCAPULARIS, propterea existimandum est, id revocasse PAULUM V. quando revocavit indulgentias Confratribus Scapularis à suis Prædecessoribus concessas.

concessas, modò namque non loquimur de Indulgentijs personalibus nostris Confratribus concessis, sed de localibus, quas consequi possunt omnes Christi Fideles visitando nostras Ecclesias, si fecerint illa opera pia (quorum unum est delatio nostri Scapularis) in quæ GREGORIUS XIII. manus adjutrices commutavit: & propterea Confratres nostri, si cum habitu, seu sacro SCAPULARI aliquam nostrâ Ecclesiam visitaverint, quamvis non septies Orationem Dominicam, & Salutationem Angelicam, nec Vesperas Defunctorum recitaverint, nec ante sanctissimum D. N. Corpus terram deosculati fuerint, modò contriti & confessi, pro hæresum extirpatione, & Christianorum Principum pace, ac sanctæ Matris Ecclesiæ tranquillitate pias ad DEUM preces effuderint, præfatas Indulgentias consequi poterunt. Ita Reverendiss. Theodorus Stratius.

fit illis, qui
fac. gerunt
Scapulare

CAPUT IX.

Declarantur indulgentia Stationum, quas consequi possunt omnes Christi Fideles, visitando Ecclesias Ordinis Carmelitar. Et modus in hac visitatione usurpandus.

UM CLEMENS VII. in suprâ citata Bulla indulgentias Stationum Ecclesiarum Urbis, tam intus, quam foris, concessisset, primo Confratribus nostri sacri SCAPULARIS, cum obligatione visitandi unam, duas, vel plures Ecclesias; unum, duo, vel plura altaria, easdem indulgentias postea concessit omnibus utriusq; sexus Fidelibus, non cum obligatione visitandi aliquam Ecclesiam, sed porrigendi manus adjutrices nostris domibus & Fratribus, per hæc verba: *Insuper etiam omnibus utriusq; sexus Christi Fidelibus, qui pro Monasteriorum & Domorum reparatione, ac Fratrum hujusmodi sustentatione, manus porrexerint adjutrices supradictas indulgentias consequi possint, & consequantur.* Quare stante hac concessione, utique Confratres nostri pro iucundis indulgentijs Stationum tenebantur unam, duas, vel plures Ecclesias, unum, duo, vel plura altaria visitare: nihilominus Fideles pro consequendis iisdem indulgentijs ad nullam Ecclesiæ, vel altaris visitationem, sed tantum ad porri-

256.

Quid faciendum sit. Confratribus, ac Christi Fidelibus, ut visitando nostras Ecclesias consequantur indulgentias stationum Romanarum?

Y y 3'

gendas